



## Publicaziuns dalla vischnaunca, jamna 23

### Votaziuns federalas e communalas dils 9 da zercladur 2024

**L'urna principala** en casa communal a ei aviarta sco suonda:  
Dumengia, 9-6-2024, 09.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 7 da zercladur 2024, allas 14.00**, tier l'administraziun communal (tel. 081 920 36 36). **Levgiament da votar** Mintga votant(a) ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (basegna negina francatura) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 9 da zercladur 2024 allas 11.00 tier l'administraziun communal.

**Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.**

Suprastonza communal

### Eleczziuns communalas 2024

Quest atun han liug las eleczziuns dils organs comunals per la perioda d'uffeci 2025/2028. Quellas succedan tenor las prescripziuns dalla constituziun communal e dalla lescha davart ils dretgs politics. Entochen il termin fixau ein las suandontas demissiuns vegnidas inoltradas:

#### Suprastonza communal

Jacomet Wendelin, Mumpé Medel, gerau

#### Cussegl da vischnaunca

Berther Armin, Segnas

Deflorin Adrian, Cuo

Durschei Edgar, Segnas

Flepp Mario, Vitg

Fry Schuster Larissa, Vitg

Manetsch Armin, Mumpé Medel

Probst-Linder Helga, Chischliun

#### Cumissiun da gestiun

Cajacob Curdin, Segnas

Lutz-Schmidt Sonia, Acletta

Murer Flavio, Caschuarz

#### Cussegl da scola

Bergamin Simon, Segnas

La suprastonza communal pren enconuschientscha dallas demissiuns cun admetter in grond engraziament a tuttas personas per lur engaschament en favur dil beinstar general.

Las eleczziuns dil cussegl da vischnaunca, dalla suprastonza communal, dalla cumissiun da gestiun e dil cussegl da scola han liug **dumengia, ils 22 da settember 2024**. Las eleczziuns da tuttas ulteriuras cumissiuns succedan pli tard entras ils gremis cumpetents. Tenor art. 15 dalla constituziun communal vegnan las autoritads e cumissiuns permanentas eligidas per ina perioda d'uffeci da **quater onns**.



Il vischinadis, partidas politicas localas ni gruppas da silmeins 15 votant(a)s san proponer entochen 30 dis avon l'elecziun candidats e candidatas per la suprastonza communal, pil cussegl da vischnaunca, per la cumissiun da gestiun e pil cussegl da scola. Talas propostas ein da far a **secret e d'inoltrar entochen sil pli tard venderdis, ils 23 d'uost 2024** all'administraziun communal, caum postal 57, 7180 Disentis/Mustér.

Officials che han buca demissiunau valan tenor art. 24 al. 2 dalla lescha davart ils dretgs politics sco proponi. Per las autoritads che vegnan eligidas ils 22 da settember 2024 all'urna ein perquei gia nominai:

**President communal**

Epp René, Vitg

Vacant: 0 post

**Suprastonza communal**

Berther Clemens, Segnas

Lombris-Manetsch Iris, Dulezi

Schmidt Paul Flurin, Segnas

Vacant: 1 post

**Cussegl da vischnaunca**

Bucheli-Caduff Silvia, Segnas

Burri Gadola Theres, Gonda

Flepp Adrian, Vitg

Flepp Otmar, Vitg

Huonder Remo, Clavaniev

Lozza Giusep, Vitg

Maissen Rafael, Acletta

Venzin Ignaz, Acletta

Vacant: 7 posts

**Cumissiun da gestiun**

Vacant: 3 posts

**Cussegl da scola**

Bigliel Adrian, Disla

Dermon-Möckli Marisa, Vitg

Loretz-Duff Clarissa, Segnas

Vacant: 1 post

Per ulteriur sclariment stat il canzlist communal Andri Hendry bugen a disposiziun.

Suprastonza communal

---



---

### Submissiun – Survetsch d'unviern Via Cavardiras

La Via Cavardiras ha midau cun igl onn 2024 proprietad naven dil cantun Grischun tier la vischnaunca Disentis/Mustér. Aschia ha la vischnaunca l'obligaziun da procurar naven digl atun 2024 per il survetsch d'unviern. Quellas lavurs vegnan surdadas el rom d'ina submissiun. Persunas ni interpresas che han interess dad offerir san s'annunziar tier igl uffeci infrastruttura e baghegiar dalla vischnaunca da Mustér per retrer ils documents d'offerta. e-mail: [infra@disentis.ch](mailto:infra@disentis.ch), tel: 081 920 36 45

Uffeci infrastruttura e baghegiar Disentis/Mustér

---

### Vandalissem

Il davos temps ei vegniu caschunau cun intenziun donns vid baghetgs, indrezs e stabiliments publics, denter auter era sin plazscola. Leu nua ch'ils caschunaders ein buca enconuschents, vegn la vischnaunca a purtar tgisa en fuorma d'ina denunzia alla polizia. Ils caschunaders vegnan a stuer surprendre ils cuosts dalla refatga dils donns sco era ils cuosts resp. las consequenzas d'ina eventuala procedura penala.

Vischinas e vischins che observan donns caschunai ni persunas che caschunan donns ein envidai d'annunziar quei all'administraziun communal 081 920 36 36 ni al post da polizia 081 257 64 77.

Bien engraziament per tener aviert ils eglis e per Vossa collaboraziun.

Suprastonza communal

---

### Referendum facultativ – Rapport da gestiun 2023

A caschun da sia seduta digl 1. da matg 2024 ha il cussegl da vischnaunca approbau unanimamein il rapport da gestiun ed il quen 2023. Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

Il rapport da gestiun 2023 ell'usitada fuorma stampada vegn distribuius el decuors da quest meins en tuttas casadas en vischnaunca.

Suprastonza communal

---

### Acziun digl «Uffeci da sanadad Grischun»

Naven dils 3 entochen ils 21 da zercladur vegn tschentau sil plaz avon halla Cons ina «crusch da moviment» (Balancekreuz).

Sin quei stabiliment da sport san tuts semuentar tenor plascher e migliurar las habilitads da ballantschar. La responsabladad dil diever schai tier mintgin privat. Nus sperein da saver porscher inaga dapli in'attracziun che duei promover il moviment el liber, quei per pign e grond.

Per quei motiv sto vegnir serraui il plaz avon halla Cons duront las proximas 3 jamnas.

Nus sperein sin Vossa capientscha.

Jris Lombris, geraua da sport e moviment

---

### Temps da vacanzas – Ein ils documents da viadi aunc valeivels?

Tgi che planisescha da passentar vacanzas egl exteriur, vegn supplicaus d'examinar ad uras ils documents da viadi. Per l'emissiun dils documents sto vegnir quintau cun in temps da spetga d'entochen 10 dis. Nus appellein da far quella controlla, buca che las vacanzas entscheivien cun dagrettas.

Per ulteriur sclariment stat il personal dall'administraziun communal bugen a Vossa disposiziun.

Administraziun communal



---

### Via Caischavedra – impediments da traffic

Muort lavurs da manteniment vid la via Caischavedra eis ei da quintar cun impediments da traffic naven da gliendisdis, ils 10 da zercladur 2024. Las lavurs cuozzan prevedentamein entochen ils 21 da zercladur 2024. Per damondas urgentas eis ei da contactar suandonta numera da telefon 081 920 36 41.

Bien engraziament per la capientscha

Uffeci forestal Disentis/Mustér

---

### Meglieraziun Disentis/Mustér

#### Serrada dalla senda Acletta-Muntasch ed Acletta-S. Catrina

Muort las lavurs da construcziun dalla Via Acletta Petschna restan las sendas naven d'Acletta en direcziun Crest Muntatsch e S. Catrina e naven dil Crest Muntatsch enviars Acletta e naven da Sontga Catrina enviars Acletta serradas, naven dils 13 da matg entochen ils 22 da zercladur, mintgamai durant l'jamna per tut traffic. La fin d'jamna ed ils firaus ei il transit pusseivels, aschinavon che las lavurs da construcziun lubeschan quei. Il transit sil tschancun Muntatsch – S. Catrina resta era durant quei temps pusseivels.

Uffeci infrastruttura e baghegiar Disentis/Mustér

---

### Controla da habitonts

#### Mortori

Riccardo Desax-Šain, naschius ils 22 da fenadur 1941, morts ils 2 da zercladur 2024

Administraziun communal

---

### Evangelisch-Ref. Kirchgemeinde Cadi

#### Fiasta da giubileum: 33 onns Fundaziun Tür auf - mo vinavon

Festivar muments in cun l'auter: La Fundaziun Tür auf – mo vinavon (Aua Viva, Via Raveras 25, Mustér) festivescha ses 33avel anniversari. Festivei cun nus e gudi in program da giubileum multifar, creativ e social per grond e pign ils **8 da zercladur 2024**, [www.auaviva-cadi.ch](http://www.auaviva-cadi.ch)

#### Jubiläumsfeier: 33 Jahre Fundaziun Tür auf - mo Vinavon

Miteinander Momente feiern: Die Fundaziun Tür auf - mo vinavon (Aua Viva, Via Raveras 25, Disentis) feiert ihr 33-jähriges Bestehen. Feiern Sie mit uns und geniessen Sie ein vielfältiges, kreatives und gesellschaftliches Jubiläumsprogramm für Gross und Klein am **8. Juni 2024**, [www.auaviva-cadi.ch](http://www.auaviva-cadi.ch)

\*\*\*

Suentermiezdi da cant cun Regina Wilms, **sonda, ils 15 da zercladur 2024** allas 14.00-17.00 el Center Aua Viva, Via Raveras 25, Disentis/Mustér

Singnachmittag mit Regina Wilms, **Samstag, 15. Juni 2024** von 14–17 Uhr im Begegnungszentrum Aua Viva, Via Raveras 25, Disentis/Mustér

---



---

## Biblioteca e ludoteca

### Star sur notg ed aunc bia auter

Dar giugs, leger, zambergiar e star da cumpignia cun il team dalla biblioteca e ludoteca.

**Mesjamna, ils 10-07-2024** allas 17.00 entochen **gievgia, ils 11-07-2024** allas 10.00 per affons dalla 1.- 6. classa.

Nus selegrein da ti' annunzia entochen ils **23-06-2024** sut [www.bibliotecadisentis.ch](http://www.bibliotecadisentis.ch)

Il diember da participonts ei limitaus.

---

## Canorta/Kita Lumpazi

**Fundaziun Tür auf - mo vinavon Fiasta da giubileum, sonda, ils 8 da zercladur** allas 14.00. Grond areal da fiasta cun attracziuns per carschi ed affons entuorn ed en il center Aua Viva a Raveras. Sin vus spetgan ina Spassegiada tier ils projects, tuor da siglir ed areal da termagliar, concerts, fiasta da grill e dapli.

Program detagliau sut [www.auaviva-cadi.ch](http://www.auaviva-cadi.ch)

Nus selegrein sin vossa viseta!

### **Stiftung Tür auf - mo vinavon Jubiläumsfest, Samstag,**

**8. Juni** ab 14.00 Uhr. Grosses Festgelände mit Attraktionen für Erwachsene in und um das Zentrum

Aua Viva in Raveras. Rundgänge durch die Projekte, Hüpfburg und Spielbereich, Konzerte, Grillfest und mehr erwartet Sie!

Detailprogramm: [www.auaviva-cadi.ch](http://www.auaviva-cadi.ch)

Wir freuen uns auf Ihren Besuch!

---

## Colonna d'agid Cadi

### **Camp da reiver per affons dalla Colonna d'agid Cadi 2024**

Sco gia dapi biars onns meina la Colonna d'agid Cadi atras dus cuors da reiver per affons denter 9 e 16 onns (annadas 2008 – 2015). Ils cuors han liug el territori da reiver a Lai Alv (2505 m) a Mustér, sisum dil territori da skis. Survigilai ed instrui da menadras e menaders da Giuventetgna e Sport emprendan ils affons semplamein ed en cuminonza igl ir a cuolm.

– Datum: Dumengia – venderdis

(1. jamna 14-7. entochen 19-7-2024,

2. Jamna 21-7. entochen 26-7-2024)

– Program: Introducziun egl alpinissem, ir entuorn cun sugas, reiver els curtgins da reiver, sentiment per grep e contuorn, pintga tura sin in péz, flora alpina, encurir cristallas.

– Material che manca san ins retscheiver dil cuors.

– Cuosts: frs 290.- per affon (cumpru pensiun cumpleina, material e surnotg a Lai Alv)

Annunzias ei pusseivel naven dils 2 da zercladur 2024 sut [laialv@disentis.ch](mailto:laialv@disentis.ch)

---

## Uniun da tiradurs Sedrun-Tujetsch

### **Pusseivladads da sittar igl obligatori e campester 2024**

Obligatori e campester: Mesjamna, ils 12 da zercladur allas 18:30-19:30

Obligatori e campester: Venderdis, ils 23 d'uost allas 18:00-19:30

Cun plascher beneventein nus tiraduras e tiradurs el stan da sittar La Resgia a Sedrun.



---

### Gruppa da teater d'affons e giuvenils, Mustér

#### Presentaziun da nies niev teater

«Nua ei igl ani d'aur?» en halla Cons a Mustér,

**venderdis, ils 14-6-2024** allas 20.15

**sonda, ils 15-6-2024** allas 20.15

**dumengia, ils 16-6-2024** allas 17.00

cordial beinvegni e bien divertiment.

---

### Ludoteca Disentis/Mustér e contuorn

**Sera da giugs en ludoteca, mardis, ils 11 da zercladur 2024, 19.00 - 21.00.**

Cordial beinvegni!

---

### Uniun da catschadurs Péz Alpetta

#### Salvament d'anseuls uonn niev cun ina drona

Preziai purs. Gleiti eis ei aschi lunsch ed ils praus ein pinai per fenar. Quei munta era che nus vegnin puspei a far nies pusseivel per protegiar ils animals. Era uonn vegnan las selvaschinas a setener si en nos praus. Il davos da matg/entschatta zercladur fan las cauras cavriel per ordinari 1-2 anseuls. Cun quels anseuls setegnan ellas stediamein si en nos praus.

Ils anseuls ein zuppai bein el prau, aschia ch'igl ei strusch pusseivel per vus purs da veser els duront segar. Deplorablamein capeta ei onn per onn ch'ils anseuls vegnan denter las maschinas da segar. Per evitar quei savein e lein nus agir. Nus essan denton visai vi sin vies agid. Senza vus va ei bu.

S'annunziei per plascher il di avon ch'il prau vegn segaus tier il cau da tgira sut la numera 078 690 18 86 ni tier il guardiaselvaschina sut la numera 079 397 35 54. La damaun che vegn segau vegnin nus cun nossa drona e sgulein giu la parzella che vegn segada. Igl avantatg dalla drona ei che nus stuein buca pli ira per ils praus entuorn. Sche nus anflein in ansiel vegn il qual cuvretgs giu cun in harass da lenn tochen che vus veis finiu da segar. Per il bien da noss animals selvadis fussen nus engrazieivels sche vus fagesses part da quella nova purschida per che nus sappien aschia deliberar in ni l'auter ansiel da quei schabetg.

Nus engraziein gia ordavon per vossa collaboraziun e sperein da sentupar cun enqualin da vus.

Il cau da tgira

---